

存
復
齊
文
集

澤民文章與雅而
理致甚明獨惜以
畫事掩其名然識
者不厭其多能也

自茲以往澤民當
豐於文而嗇於畫
可也

虞集題

存復齋文集序

朱澤民為桐子師時以文墨故與予交三十餘年間得許道寧畫謗尔塗抹適臻其能在仁廟時潘王器其才引對于嘉禧殿授征東提學以歸人不知其於鞭辟近裏尤用功也藝於聖門固曰小學之能事然以欲觀古人之象與夫繪事後素可與言詩者推之其於指畫之形有切近於書者聖人於藝以游而言儕於道德與仁而四之一以小物不遺動息

有養故耳況夫以山水言亦仁知之所樂者
於進而吾往也逝而不舍晝夜也為學為道
一以體其重厚不遷周流無間凡得想象而求
以似之何藝非道耶使刻意於文字不有以
載道而追逐於月露風雲之狀庸何愈於藝
成而下者此詩之國風所以出於民俗之歌
謠後儒極力無能彷彿也澤民績學而為文
理到而詞不凡下神會心得有妙於斲輪不
能以喻諸子者非詡詡以求售於人如凡近

一輩也天下之物無影無形難以擬諸形容者曰惟風聲莊子噫氣之論一以可聞而不見者之琴琴之調調之刁刁曰獨不聞曰獨不見貌出天籟一節子露無遺則亦深於文字者曰精於藝耳不然孰無一畫筆能神於化工耶澤民藝能而妙由妙而神神有幾於天者言之精者為文由精而超於自得則有配天於無言者德藝兩忘道術無蹟神而明之亦存乎人澤民可與語道矣有不合天

人于一耶登峰造極風詠言歸聖賢氣象相
與往來於文字以狀出之山立揚休不無悠
然於一見者姑將以為序

至正九年秋閏七月望後合沙俞焯午翁序

行復齋文集卷之一

元征東儒學提舉睢永朱德潤澤民著

曾孫夏重編

賜進士湖廣按察使東吳項璫彥輝校正

銘

延祐六年冬德潤以太尉璫王見知徵入京師
道經淮安得端石硯作硯銘曰

義我茲硯平而不砥方而不器涵文之英蓄文之粹
懋文之力養文之氣是謂筆墨之粹礪

心遠堂銘為張清夫提學作

人之虛靈垂舜好德一理萬殊惟心之則心遠地偏

靜德之履不遠伊邇緊心知止太湖之橋松溪竹軒
君子構堂孰迫而喧遠方無垠六合俱春心與境忘
張公其人

止齋銘為无身之御史作

惟士之志北南西東匪動則貞悔吝吉凶是以君子
或息而止四方一室知止所履止孝惟子止敬惟臣
匪止弗安匪安弗臻渤海之原齋居拳拳服膺至善
止我勿遷

古鼎銘并序

至治二年春集賢學士顏哥識律得古鼎寘堂中且
諗朱德潤曰斯鼎形範歸无文鏤补雅其三代之製

與德潤曰昔后王君公列鼎鼎作有由自易姓
迭興君或命之臣亦作之列食於家豈特廊廟今學
士公溫亮淳厚質直有容懼對向之饒銘儆考甫之
三命寅畏小心承家之光廼真斯鼎思古所作堅不
變質文不飾華公則效之惟古是式匪玩其物前人
作之公寔用之曷寃先代請曰公鼎庶幾似之銘曰
範金作器虛中央三足負峙奇耦張黃耳玉鉉昭文
章革故鼎新止吉祥饗饗戒味卑膏梁鑄鑲象形俾
勿忘昔公先王平炎方豐功茂德佐世皇偉哉斯鼎
今在堂對揚休命釐尔章式僭祖考祀孔明請和鹽
梅續馨香

壽樂堂銘

并序

至元十二年王師下江南時呂公浩叟以故宗命出使軍前持節見淮安忠武王抗辭不屈明年南邦混一宗臣悉朝于京師公與焉朝廷授公嘉議大夫淮東宣慰使仍賜金符玉帶寵慰其行公拜命以疾辭職歸卧吳中二十六年而卒初即虎丘之陰構堂扁曰壽樂且曰人生百年自古賢愚之士同歸丘隴其不朽者惟名義耳吾幸際天朝得完首領以歿將何望乎於是以餘資釐酒肴延親舊披圖玩史以樂其天年大德間公歿葬其地今公之孫濤求余寫其堂之景且徵銘焉德潤以先大父淮西之役於公為世

契而濤又與德潤游乃作銘詩誦公之萬一云巖巖
高堂翳其松篁山川縈紆厚公之藏公昔抗辭受命
不欺南顧既還來朝京師宏矣大元覆天洪庥勸孝
移忠實公列侯錫以衮裳玉帶金符順天受命歸休
于吳中堂有位燕寢孔碩來我友勿樂我親戚不夷
不惠繫公之德子孫千億來世其澤

太守晁侯除運使銘

公田膺膺八百其取侯之來吳民思其撫侯之去吳
民食思饁鄉土異宜與衆聽之勿信小言小言或欺
為政在官賦役在民歛之勞之高下俾均侯之運司
邦境則隣凡此牧養孰非吾人匪嚴弗威匪寬弗安

寬以字良威以戢茲失此其中莅事則艱凡百有政
古式是觀

教授廳銘

漢之校官今郡文學典教泮宮橫經師幄吳邦之風
思魯一變律已以先庶則人勸言慎行脩乃式乃祔
勉茲古訓庶列槐陰

道傳圖銘為柳待制作

粵稽先天孰玄孰黃人文既闢圖書乃彰繼善成性
由陰與陽維彼先覺純一惟誠行在天下言在六經
如愚惟類一唯惟曾何莊之辭土苴緒餘奚苟之辨
指禮為儒瞻復日月云何其躅高山景行庶幾在目

同初銘為同同待制作

天高地下萬物散殊禮制有定其象可模舍彼厥初
同此一善太和坎此庶彙萬變山川草木發生於春
克已復禮天下歸仁

魏伯禮濂源亭銘

漢中之丘濂源之記左昭終南右環沔水有美一人
結亭其址竹樹紛披烟霞綺靡宇宙中和襟懷粹美
濂以溥施源以知始書盈架牘酒在壘洗山迴亭
君子所履

武夷山銘

元氣孕物武夷秀偉石結群象雲行雨施玉女峰高

蒼屏隱翠有祠者屋徽國所祀學究千載道濟斯世
念者濶洛有開群蒙不有朱子學傳孰能剖縝悉
理窮孰通九曲迴溪山高水深明月當戶清風在林
傳博淵泉以慰我心

江洲行 右丞岳石木公提調海漕政績碑銘
至正四年春上命資政大夫江洲行省右丞岳石木
公提督漕事于矣遵舊制也于時岳公既來漕府長
佐賓屬咸在公曰海運國之重務官有定制事有常
程尔皆能職矣又將奚言然而上既付予以綱領其
敢不夙夜在公敬承乃事汝惟昔勤于官用選在茲
漕有良規汝擇其長來告予其後之有愜于心不順

予民予其除之衆咸曰嘉言若茲敢不聽從公既視
事併召甲戶之俟官給直為脩繕額稍可之費者
卽預期昇之俟從容完葺毋迫期為且其春夏漕官
督運夫裹糧裝載巡視舟楫比歲例探籌接餉益嚴
至若銖銖之量倉貯有登升聚斗之費運舟有水蒸
日曝之虧漕府以是與諸郡歲常抵牾公使各驗所
損量得其平初公至吳有司館穀一皆弗受及抵崑
山次舍見供張重幣庖饌豐美愕然曰此非民力所
致乎卻之弗顧所屬化之悉從簡約歲兩運卜吉每
先期祀

天妃於郡城崑山路漕廟所官屬具集公卽執事齋

後宿廟下同。祗滌濯。隋曩逆往奉幣享神之旦。五鼓
樂既奏。公率掾屬。漕府官以下。恪虔致禱。拜興肅然。
罔敢怠譁。由是兩運既發。海無驚濤。舟行如履坦途。
於乎自海道通而東南之漕。運日益若。京官廩祿。朔
方軍儲。燕民足食。咸仰於茲。五十年間。太倉之粟。紅
腐可謂盛矣。然往年漕期。或停波沸騰。變異百出。而
公是行也。政平事簡。糧艘具達于直沽。蓋所謂天神
祐其誠。漕府贊其義。有司憚其嚴。民庶樂其惠。又能
慎終如始。則其休績可不勒諸金石。以求其傳乎。公
自初筮仕部郎。官歷省臺。幕職尚書。兵刑部。集賢學
士。兩臺治書。淮西廩使。叅政。湖廣留守。上都行宣政。

使凡二十一遷而江浙右丞則公之素行不有偉
度長材以獲知于朝廷者其何能若是乎是年漕糧
為石二百六十四萬餘舟為載一千四百有奇夏五
月漕事畢公還于省吳之屬司邦之民人懷德不已
乃俾德潤為文記其事且為詩以歌之曰

東南漕運歲集海邦官焚其直力役其氓府長有屬
惟時俊麗國有常度孰拙其章帝舍首臣俾提其綱
惟此岳公克畫其良如機運軸一轉百翔漕夫既來
仰給相望公則先期付幣葺航江左列郡廩貯其糧
漕舟往載官吏具張俾各投鉤毋辭遠方銖斛之較
俾平其量次舍重席公辭弗當有司奉宴公謝弗遑

歲吹天妃牡牢我將式轉其誠齋被稽顙焚幣于庭
齊酒芬芳神顧來歆錫祉襍襍飲福燕喜鼓鐘隍隍
始時運夫貪官之橫嬉笑出沒習水登檣或繁其後
嘯歌徬徨今欣而謳如屬土禮曰公惠我保我家慶
曰公福我于艘葦航公之故神在我昌厥明啓舟
公餞于艤檣烏北指鸞旗少央公曰漕官勉亦是行
國有大順毋憚海洋南風送帆海波不揚天妃効靈
百示助祥細此漕役既達于京京有儲積民以乂康
懷來之思歌矢弗忘刻諸堅珉以示久長

賀夫人阮氏銘詩

淑慎和柔是謂婦德慈義惠訓是謂母儀惟此歲德

夫人有之式規其子孫蕃滋浙江東來雲山披披
改卜是宜我作銘詩歌以誌德詵詵螽斯

肅政銘為趙宗憲公作

維天有經維民有彝溥風既斷禮義乃虧爰立王度
教之治之時牧星羅集司是規維此分憲百司綱維
明以燭遠恥以察微民曰趙公來撫我羸疲瘥無告
趙公是咨庶政亦缺趙公是禪茲暴作慝趙公弭之
民瘼孰恤趙公去之惠此南國民將歌之

知止堂銘

人生而靜動乃其執行必知止履則弗危銳焉退速
定乃神怡安而能慮止故弗移事物既接交情交攻

不有知止孰究始終猗欤馮公克踐其實搆堂指廟
進退惟式左圖右書玉昆金友出則奉公入則善守
高堂巍巍誰其馮師曾思心傳其迨庶幾

馮雅齋銘為杜堯臣作

元氣絪縕萬物化醇人惟至靈心德曰仁中含太和
雅素合真含哺鼓腹朴朴而羣有赫帝治陶甄結繩
禮物始備元酒大羹孰為犧尊下散其牒孰為丹漆
不素而斲民澆俗漓世競抵貳朴素不復言馮行禮
繫我杜氏世德之義淳以性天雅以正始仁優則
力致其勉質之素之匪石弗轉

高德基太守善政銘詩

大江東南甲郡惟吳國賦歲夥民生亦三農食力
終歲艱食不有賢守孰恤其瘠亦有戚里官寺陪祖
民浚其膏里胥助輸商稅摧配百役具將不有賢守
孰寬其償維此高侯倣漢名杜善緝其民以永令譽

金壇縣尉廳屏銘詩

金壇之坊宰邑所治高君作尉來撫瘡痍先令後尉
聽之信之弗使餽寒庶耻是膺凡此蒞政克念在茲
宣惟尉邑作郡庶幾

四言銘詩送高文海秀才游京師

惟士之生森孤蓬矢志在四方動則以禮俊矣文海
有嚴父師幼學壯行惟此其時京師之陽河水泱泱

送子行通觀國之光京師之邑多士雲集願子擇游
譙以受益烜赫貴勢勿諛以趨華侈宴樂勿慕以愉
徐行弗顛慎言靡侮矢詩不諼歌以贈子

資善大夫中政院使買公世德之碑銘

皇元混一區宇際天所覆罔不臣服于闐尤先效順
時則有若不花刺氏以佃巧手藝入附徙置和林又
遷於西京朝廷設局院官曹以領之今資善大夫中
政院使買述丁之曾祖洪城公寔在焉公諱馬合麻
以天文之學獲知于朝不屬局院領中統初親王阿
里子哥剌公與其子撒的迷失隨官軍相事有功詔
賜名馬白金至元十七年國家建洪城屯衛授公

夫長及洪城公病篤呼諸子謂曰吾自內附以來心
懷忠報未竟所懷汝曹勉之命長子撒的迷失居京
師充禁役次子哈散襲石夫長季子烏馬兒蚤卒撒
的迷失即今資善公之祖也至順中以資善公貴贈
咸陽郡公上一子諱阿合麻即資善公之父也亦以
子貴贈咸陽郡公年卅二早卒夫人阿魯溫氏生二
子長即資善公次曰間間仕止集賢院經歷一女適
翰林特制軋哈麻咸陽公歿後夫人守義不移哈散
等嘗有閱牆之侮夫人辯甚直朝端憐之白成宗皇
帝得爾書護其家且勅其子執經太學後亦以資善
公貴封咸陽郡夫人初資善公以李紉固丞相奏後

大都丞相入宿衛至大中授尚膳院長史再授利用
監大使京畿運糧提舉河間運判集賢經歷俱有能
聲蓋咸陽郡夫人嘗訓以事上忠律已廉撫民仁以
致公之顯貴焉學士楊公德方作錫類堂記以褒之
泰定二年公拜南臺監察御史即言出使官三品以
下止給驛餉一名以蘇民力天曆初拜內臺監察御
史言為人臣不可僥倖蒙古翰林院官曹數請墾書
護持乞追還官不得再請又言官買民物不許減其
常直京城耆老舊設五十名近五門南城續增設一
百名皆富商耗此庶役乞止仍舊朝廷皆從之至順
初出為山南廉訪副使至則首平民役俾置文簿編

次以十年週轉甲者先之乙者次之時歲錢公勸率
人解移官銀賑濟疾病者命醫視之至春遣使
上壽遷戶部侍郎言歲和織素與一匹就織平綾省
官錢三萬五千定又以造鈔局民貧人給綿布一疋
遂令行之是年朝廷以公幹皆母氏之訓旌表曰
貞節之門後太夫人壽至八十公再陞左司郎中至
正元年拜戶部尚書言為國當節費養民乞傳不為
之務及造鈔局再遷河東憲副中書請復公為長尚
書加授中奉大夫公以兩京供需煩民官給鈔本界
之居庸北洪贊地及狼山土墓燭米店民病遠汲公
者捐已俸二千五百緡復請於官得給錢鑿井居民

便之翰林揭公曼碩嘗銘其井三年陞中書參議詔
賜雲龍金帶四年轉宣徽同知旋授資善大夫中政
院使至正七年國家以軍儲之重起公為海道萬戶
府達魯花赤公至之日斟酌權宜盡轉輸之道九年
又起公為江西等處承運使將行矣使謂德潤曰吾
家世忠孝盡瘁事國則以于闐之丘隴未有以彰厥
祖考者子盍為我紀其實而銘之於乎古者有功銘
于太常世其任子今不花刺氏來歸王庭效 夷險
止於屯衛長獨資善公以母氏之化克勤政治為時
名卿豈不偉歟而德潤托知於公者素矣義不敢辭
乃書其祖代且顧公益勵前脩以永世德焉銘曰

惟不花刺氏來為王臣咸以巧藝或織或紋曾祖有
覺通天文學不墜藝倫平叛有作宿衛之伍寔為公
祖盡瘁小心靡有變遷父氏蚤世賢母守義訓子孝
忠俾學而仕公既顯貴允釐庶政列於名臣錫賚有
慶惟忠為臣惟孝為子尚勤我公終世其美

君子堂銘

苞蘂之卉拱把之木豈若尚氏堂高樹竹君子虛心
卑以自牧君子厲操節以自勵載歌衛詩惟披淇澳
挹此歲寒溫其如玉

詩美丁誠之經歷書滿之婦

欲繁者駒伊人之乘食彼場苗懷此惠政豈無甫田

力民代食千倉既盈十歲惟後服籍有牛荷未有農
農歲穀食積者如壙焉得賦均同際同畛莫匪王土
分惠其貧

、
檇州白太守善政銘詩

猗歟白侯牧伯之良善緝其民底于樂康初憫之人
困於賦役稅者倍償勞者弗恤民飢而號無隙可逃
侯曰均役毋重其徭等申之殊驗力以敷遺強撫弱
養老慈孤民教而勸吏勤以警居者樂生通者復業
帝曰守臣惠利我民寵錫其章來帛來臻柯山蒼蒼
善政遠揚我作頌詩俾民勿忘

、
樂壽齋銘

爲愛而憐，惟文而翳，材爲身累也。豈惟木與人小乎？
非蘭六年，非椿櫟之壽也。食吾真。

自警銘并示方山第

人生百年，今其已半。難得者親扶持，患難富貴貧賤。
莫非命運。君子脩身克己，安分儉以處家，勤以治生。
勿耽於酒，毋肆其情。勿逢人短，毋矜自能。出言慮後，
窒欲防萌。勿以毀譽，毋以譽毀。或造言譽，乃俟端。
充塞憂戚，庸玉汝成。敢告吾弟，兼以自銘。

楚山圖銘爲元頴于中憲俞作

六書之教，二曰象形。刻諸鼎彝，揭之旂旌，用昭憲度。
以節禮刑。去古既遠，風氣淳漓，政繁法夥，民情愈欺。

侯伯守宇養或爵受陳果司俾純其遠我元大夫
起享而威繡衣換節金憲南隲令肅政成百度惟清
作此好圖以代勒銘

府判銘為馮進道作

府判貳郡古曰郡丞方題別駕車列屏星姚崇佐楊
政條簡肅元忠極洛豪權憚伏桐川之陽靈山蒼蒼
佐治通守宣化府堂馮君蒞政廉直不欺惟古是則
姚魏其師

李加訥左丞相海神銘

維誠感神維忠報國祀神祈民穆然崇禋公昔在朝
縉紳屬目及副憲政來惠南服禱祀海神下補坤軸

長驅蛟魚民獲安居有懷令德頌言載涂吳山名堯
浙水縈紆民歌公功與石弗渝

石几銘

端溪之石質堅理密琢為直几可憑可拭朝競日揚
弗教怠惰日省吾過憑几而坐毀譽相尋榮辱危機
登高自卑損者益之日省吾私憑几而思

壽域銘為吳思可左丞賦

大哉壽域仁基義垣東序養老西郊尚賢政教之澤
洽於人心天地覆載日月照臨皇建有極宰臣燮理
五氣斯順四序時履雍容吳公荷帝之錫五福具來
好是懿德式訓忠孝貽謀子孫頤齡今聞佐國祐民

國陵之壽松椿之年戩穀永昌如此頌言

雪屏圖銘為秦元之治書作

天地布氣陰陽潛幾為豐為瑞六出霏霏山川聳玉
草木成琪乃卜有年乃歌衛詩四時順亨休徵攸宜
曷特雨露膏之沐之譬彼風雷亭之毒之君子設教
萬夫是依愛之養之誨之勵之肅若臨之降當其時
曷此秦公庶幾似之

生生堂後銘為豫章胡伯雨賦

天地成化仁心生物萬變一理維誠無息五行殊功
二氣資體動靜互根那有終始元者善長生生相續
繼善成性中和佐育仰彼先覺有開我蒙不圖書之作

萬世永功

周凌雲思親圖銘

孩提愛親天性之衷爰失怙恃所思無窮問之前人
曷棄其族今田復完食祀嗣續思親之里雲水盪盪
思親之子克世其美中田有廬貽謀有書太史善志
以永厥圖

萱壽堂銘

大椿之年比黃耆喬松之齡宜爾後豈若孫孝子構
堂孔昇班其彩衣進其醇酒如萱之忘憂以祈壽母

希遷齋銘為李一初提舉作

秉彝好德惟心所授過勿憚改乃協厥中賢哉衛遷

克已實踐進德之功老而不倦希之者誰曰惟李子
寡過未能式念在此湘南之壩有齋隆然茂以草木
鬱乎山川居焉有圖學焉有書希遠真積俾復厥初

太守師侯碑陰銘

賢哉師侯弗猛弗欺抑彼殘暴撫茲癘疫民懷其德
久若渴飢頌言載石如師侯治後來太守視此作碑

存復齋文集卷之一

符復齋文集卷之二

元征東儒學提舉睢水朱德潤澤民著

曾孫夏重編

賜進士湖廣按察使東吳項璫芳輝校正

玉京路承天寺藏經閣記

維至靜可以感至動至寡可以合至多至無可以召
至有此物理之自然而人有未之覺者故佛氏居深
山窮谷而土木其形骸爲鳥其飲食初無求於人也
而人見其土木形骸而爲鳥飲食也於是有齧廬而
舍之者指衣而衣之者饁食而食之者由是至靜至
寡至無皆轉而爲至動至多至有而人不覺焉方其

深居靜默自寡言至於無言一佛氏也自一言至於
萬言亦一佛氏也何哉見其人之趨慕之來之多
也始以利益扣之佛不以利益自靳而隨問即答如
國王如長者如居士如比丘如耆皆雲集而問答愈衆
其辭愈多乃至演為二十四十八卷也其書自漢魏
以來由西域而播於中國由中國而播於東土則以
三韓之人建閣以藏其經者是也所以奉其教者比
中州為尤盛又非特結廬捐衣饘食也至治三年高
麗王京大承天護國禪寺因其佛殿之西葺荆築垣
構木運甍後不計工用不計直諫梁輦飛金碧炫耀
為藏經閣者大小共十有三間自屋楹而下列為輪

軸而棲匳於其間藏經至三藏焉噫予聞之佛嘗以
性命之宗究生滅法自有言至於無言自不以言至
於不以無言則五千四十八卷之多為有言耶為無
言耶為不以言耶為不以無言耶以藏經閣之宏且
麗也為妙衰嚴則生而有相者耶抑滅而無相者耶
然有無生滅之道人能覺之而不為有無生滅之迷
者抑有其入焉抑無其人焉泰定二年春三韓比丘
善謹來求予文以記其閣成予欲無文而善謹求之
至懇之切故不能無文而以至靜至寡至無為佛氏
之功用以無言無相為性命生滅之理書於藏經閣
下善謹歸而刻諸石睢水朱德潤記

凝香亭記

大元一海內列郡縣航萬里咸以驛遞傳達且建
候館餽餉相望於道以待使客敬上命也姑蘇驛遞
南接行省北抵大江東南貢賦并兩浙閩海之供悉
繇茲道是以送往迎來歲無虛日大德間郡府葺其
舊館適民役告勞工弗克固距今二十載風雨摧圯
無完客所元統三年秋太守張侯正議顧以賓館春
秋所嚴盍繕完之而慮民力弗給乃為倡首併率諸
僚佐捐俸以備工費雖一木一石一磚一甃躬自指
畫故工役相資材物就聚民不勞而事集自秋踰冬
凡四閱月而館成乃於其北築亭為使客休息之所

仍得江浙行者參知政事字水魯公題其扁曰凝香
因唐刺史韋應物詩意也亭之傍栽花植竹曲闌迴
檻縈帶左右墻垣高峙空曠翬明當為浙西驛館之
勝蓋昔人所謂凝香者刺史之燕寢也今太守則躬
處卑隘以昔人所謂凝香者為賓所焉太守故佐命功臣
濟寧張侯之孫也聽政之暇與民休息今寔以天子
之使命惟重迎勞惟謹是營斯亭夫使客解鞍停橈
登高望遠瞻泰伯之舊墟訪館娃之遺跡來游于斯
息于斯飲食于斯則凡暮至晨往者寧無頽惜之心
乎太守既俾僕記其亭之作矣仍為之歌曰

吳山壘壘江水瀟瀟作亭于館太伯之里太守燕喜

存復卷五
五
執掌奠洗餞天子使石湖勳勳橫山岫岫惟此使客
執轡侁侁如公子扎萬國是賓或貢厥篚汎汎揚舟
來觀于亭載歌載游謂此太守賓礼孔脩經之營之
教之食之匪教弗勸匪食弗滋百尔來使視此銘詩

石魚亭記

至正元年冬理問和侯九思治地於杭西湖之集慶
山土崗面陽石老泉清杉松檜檉交摻于上蒼藤碧
鮮蔓聯于下工役之始鉋甿既舉鑿深九尺許得石
焉其如魚昂頭掉尾有躍禹門鼓北溟之態土工不
較私有漸進於侯侯曰吾方鑿池置魚而石魚出豈
其徵耶於是鑿石畚土疏泉潄水置石魚於其中仍

結亭其上環以竹木軒窓丹漆磚瓦蒼黝嘗與客遊
於斯亭觴咏在焉望韓桂永四山圍繞雲霧滃鬱
石魚於泉淵是可樂焉雖然魚介鱗之水族其大者
為鯢鼓浪成雷噴沫為雨乘長風一躍萬里蓋非方
池圓沼之能畜也今移形山石毋乃易其性乎噫余
知之矣侯少勤敏及官理官廩約有為方賡駁進用
而輒以來山釣水為事茲石之出豈非湖山之靈托
形象於變化以遺吾子乎何哉狎於情者情其志安
於小者忘其大此君子所以寓意而不留意也歟若
丙穴之嘉魚浮陽之鯨鯢亦麗於留意於校人而已
曷若是石不墮釣餌不為腥腐有飛騰變化之象九

思觀於茲而思其托風雲於高遠者則他日之所就
又豈非石魚之感厲耶書以為記

魯齋書院三先生祠堂記

於乎道之大明也絲徽國朱文公生於東南道之復
明也絲魏國許文正公生於中原蓋文公歿十年而許
公生二公之學相距四十三年而傳相去數千里外
而合一旦得時行道以濟斯世豈非天乎初文正公
以其學講授於魏郡壬寅歲始詣蘇門因左丞姚公得
程朱之書於江漢趙先生遂一變舊習精思默契薦
志力行為時儒宗中統初元以憲大史薦應詔入見
至元七年拜中書左丞八年授國子祭酒講授國學

其後弟子繼司鼎鉉四方學者咸知宗朱氏之學其
於贊治之功豈小補哉至正二年天台陳君仁本以
文正之學播於海隅即慶元府治之東構祠塑像列
於學官將以春秋專祀於公而又以姚趙二公合食
於堂終歲設教養士然而廩餼供張尚未完也三年
踰浙右泛二江游金陵以需成於臺端可不謂有志
之士乎今陳君得請將還廼作歌詩使婦以祀公歌
曰滔滔海涓巖巖宮祠冬曦夏薰竟然來思昔公在
朝佐聖濟時聞教燕魏入矩出規江漢之潛公學之
緒姚竇文游程朱傳註始時國生質朴而武今文以
嬉周旋拜舞相業將略公之薰漬邦範國紀公之能

事公祠于南孰敢不欽或謂海邦祀其奚歆蓋公精
誠布於異俗皎如日星何幽不燭夷風感化列於編
氓奔走慕義來瞻公庭林風山月神思洋洋簞簋在
筵我歌孔揚

劉大本拙菴記

盈天地之間者萬物也知周乎萬物者人也其材林
樛樛日趨事赴功以樂其生者人事也中世以降民
風蠢蠢滯變詐百出故賢人君子或晦迹巖穴忘情軒
冕或問如不知或犯而不較往往以高節邁世而立
言於不朽者有矣若古之辛甲躡屣下逮長盧王狄
其言則本清虛自守卑弱自持至老聃氏則謂大巧

若拙而陰符亦謂性有巧拙可以伏藏此蓋所謂古
今善處世者矣劉大本居淮之陽暇日葺茅茨堵垣
墻築室為隱居計仍以拙養自彌且能謹於事物之
接此豈非善處斯世者乎予於是而有感焉嗟夫聖
人脩身立教凡所以處細常而不惑者納之於中而
已毋使過焉母不及焉即父子而父子之道親即君
臣而君臣之義定即寒暑而寒暑之歲功成即窮達
而窮達之天理得凡所以虛靈應物而不窮者若持
權衡然不失其正而已又豈以伏藏之道存乎心哉
苟伏智焉藏巧焉則事物之接而觸吾心之是非得
失者不得以直道遇之也夫豈真誠之謂乎夫豈用

拙之謂乎雖然人固有質而不文耻而不巧者則亦
勉之於彬彬君子之道而已易曰君子所居而安者
易之序也蓋得其序則安矣劉君以拙名其庵慕古
人之志欲行古人之道居是庵也其必有擇焉書以
為記

卞將軍新廟記

至正二年 月 日江南諸道行御史臺監察御史
許有孚言故晉尚書令忠貞公卞壺之瑩廟在集慶
路大元興永壽宮之南偏歲久祠宇不治考晉史載
公之忠二子之孝昭如日星後世仰慕而使行道之
人過其故祠顧瞻咨嗟有不能釋然于懷者若無以

興葺其廢對植其高則將何以表章其風烈而懲勸
後世若式列今聖朝追崇古忠賢之祀典有司禮文
具在其可弛諸繇是臺巨咸是其言俾集慶守臣請
於江浙行省得官出緡錢計一萬五千而更新之仍
彰元永壽宮主者虛白先生陳寶琳總督其事有司
調地度材命工計直擇以是年月日營始至正
四年四月廟成先是延祐之初寶琳之祖嵇公欲脩
之而弗果至治間官葺之而弗固今虛白先生自始
督工及終經營輪奐之義無遺錙銖故工不費而完
好廟當通衢東西植兩坊題曰忠孝前建三門繚以
周垣夾以兩廡術道森嚴廟室中起以奉忠貞公之

像而以劉將軍趙鍾侍中雅配耳公之二子聆軒侑
食後崇寢室則裴夫人主之宮宇宏麗軒窓聲明是
以聳觀瞻而發遐思昭神靈於既往啓忠孝於方來
於國家勵勵臣子之意豈不偉歟初忠貞公在晉室
庶掣絜直不肯苟同時好時則慕王澄謝鯨之放達
公厲色曰博禮傷教罪莫大焉嘗觀東晉之衰取叛
於前玄替於後豈非禮教廢而然哉蓋公之明君著
龜衡鑑不待蘇峻之禍而先知矣獨惜王庾諸公不
能聽納其說悲夫自公之歿後六百餘年南唐建忠
貞亭徐鉉為識又百餘年宋葉龍圖清臣刻石表墓
又五十年曾文昭筆記其祠堂又十五年胡忠簡銘

復記其廟世代之移而諸君子之題誌疊見於前後
則亦豈無意於當時也哉大江以南金陵為東南之
要領行臺為諸司之儀度其忠臣孝子之出於今日
來曠斯廟聞其風而作興者則亦豈無望於耳目之
臣哉僕既述御史許公興墜舉廢之善而又嘉其褒
社勸來之義為文以記之矣仍作迎送神之辭於左
佖歌以執籩豆庶興聲氣之達於神明而獲乎感則
又可以佐民物而介繁祉也然則有國有家者非忠
孝其何立乎掌廟事陳虛白先生凡歲時致祭晨昏
啓闔香火之嚴祇奉惟謹且將求卞氏之後以永其
傳焉御史臺官及有司執事者之勞併載諸石其歌

辭曰夏屋兮丹楹
孫壁兮蘭房
組羅帷兮玉璫
藝芳馨兮盈堂
肇極事兮孔明
駿奔走兮踴躍
列鼎烹兮毛魚
載羹陳俎
尊兮觴蔬桂漿
神來歆兮薪陽
神上升兮雲茫茫
鍾山崔嵬兮江水
央央
錫純嘏
我忠良風雨時兮
豐年穰穰
福生民兮壽而康

成慶堂記

人事之可慶者孰為可慶
今夫居高官享厚祿子孫
盈堂是可慶矣曰未也
義材藝多名譽功高於時澤
下於民是可慶矣曰未也
家千金食列鼎僕隸足使
令是可慶矣曰未也得將
行事貴蜀由之於俊畏服
各承其意是可慶矣曰未也
然則孰可慶曰有慶焉

非是之謂也。晏子曰：父慈而教，子孝而箴，兄愛而友，弟敬而順，夫和而義，妻柔而正，姑慈而從，婦聽而婉，禮之善物也。是可慶焉。人莫之能也。主君孝誠，昆仲五人，有宅一區，居海津之原，奉其八十之母，愉色婉容，克盡子道。雍雍怡怡，伯倡季和，庭無間言。以故入，稱其孝。里有窮乏，則力傾之多，所不較。歲常以南方漕舟集於其處，漕人去家萬里，遇有不給，則假之以濟其急。以故鄉服其義，蓋其父善甫歿二十有五年矣。嘗以敦睦為家範，而諸子克遵遺訓，茲非所謂可慶者乎？嗟夫！今人處富貴之地，父母在堂，伯仲成列，有不能協于家者矣。而王君守其家法，內則以親外

則以義洞洞屬屬如執玉奉盥唯恐失墜此非所謂
成慶者乎雖然余間之二意競爽未足多也必若曾
子之色養閔子之友愛其可法焉長王君名聚字孝
誠次名榮字孝忠英字孝敬福字孝德彬字孝文遠
求余文記其堂扁曰成慶且為之銘曰海津之陽
如通都薦此王君克孝有模怡怡家庭禮順色愉
孝其母婦聽其姑鄉稱其惠漕德其周嘉言或從善
行肯脩堂庶周匝先訓謀成此美慶後昆是道

遊江陰三山記

余嘗遊名山未嘗不纂記其勝江陰去吳百八十里
不聞佳山秀水之名至正丁亥冬十一月既望因永

嘉通守余公總彙約為京口之行余公適舟行速僕
舟遲不能追也遂自無錫之北門數里大石橋入過
水村漁浦野田荒野草木枯謝舟行六十餘里至青
陽鎮始見酒帘村市客舟駢集又十里至佗村岬高
丈餘河流灣曲若蛇蜿之勢始抵江陰州治晚謁翟
仲直州尹夜宿杜橋岬下明日西回登覽高丘則東
瞰長江南連吳會復自灣河過佗村而北皆美田沃
壤斥堠相望迤邐青山迎棹樵歌牧唱相與應答舟
人迴牽沿山前小河而行村墟相接岬柳交映兩山
之間浦溆縈帶北通江口地名石堰既而舟轉岬曲
板橋為梁即三山塢其間民居輳集屋瓦參差稻結

堆委連巒比巷如壩如櫛風俗熙熙翁呼兒莠婦餉
姑級牛羊在山犬豕在園鳥噪于林鷄登于屋竊然
太平豐稔之象若古朱陳村焉其山皆不甚高峻而
松篁蒼翠石磴丹堊或頽然如屋或頽然如虎窪然
而漱林然而壁少焉却出山塢有橫山在前野田開
豁水港漸寬詢其地則常之晉陵縣界於是行人鼓
棹稚子扣舷風帆二十里抵官塘溱市橋而泊焉嗟
夫一元之氣融結於亘古煇氣於山澤而有孕靈育
秀僻在荒陬不經名賢遊覽遂寂寥無聞江陰諸山
是矣余不識溫之雁蕩若吳之靈岩常之惠山迨不
過是惜不得與德業同為尋幽討勝之癖而品題之

且舟中傲兀覽之未詳姑書以識歲月

聽竹軒記

造化之理動靜鳴寂互為循環方其晏然有聲者動也寂然無聲者靜也然晏然而鳴者靜之復也寂然而感者動之機也是以人之聰發乎耳而後晏然之鳴入於聽物之聲生於激而後寂然之感通於

我聲之晏然而調調之刀刀者無形之氣也然其所以調調而刀刀者激於有形之物也番禺余君太易築室於京口乾元宮之傍舍種竹環繞朝聽而晏晏焉莫聽而晏焉焉其以為得聲之自然者故扁曰聽竹軒予於是感于君之托於物而聽也因試聽之則

竹聲托於風者也風聲托於竹者也而風與竹又托於人之耳然後聽竹之聲與聽竹之名有所托者軒也由是知形聲之相托動靜之相感天地人物皆然而況於草木乎余君然予言書以為記

雲龍山石佛寺記

徐州之西十里有雲龍山焉山之麓有寺寺之岩有石屋屋高可三丈許其中有石佛像突然而起可二丈許東西北垣皆因其崖石饒為小佛可千像許土人相傳宋武帝微時常憩宿于此有雲龍旋繞故因以名焉武帝既貴州人皆來羅拜屋下焚香而祝願之歲以為常至梁天監中有僧來一居其屋遂神其說

為裝嚴之像此石佛之所由鑿也自而後歷陳隋唐
五代宋日增月累以至於佛之多而寺之所由建也
至今州入有祈願者猶祝工鑿像以為因果延祐間
寺僧妙果積公華大供於足殿宏其材簷緝其此
寺之所由新也至治元年夏德潤自京師還過徐遂
登而觀焉東望則彭門之徧黃樓故基西望則項西
所築戲馬臺也北望則九里山長坂大河界其中南
望則澤陽山濱紫帶左右山川如昔而入移物換久
矣予觀石佛之興於梁宋而鍾靈聚祉於茲境者誰
知非前代英雄之遺烈乎世代旋移歲華幾滅之相
尋而石佛晏然如故則又詎知非佛氏之願力堅久

者乎日既不德閏將帛妙果求予書而誌於石是歲
四月六日朱德潤記

靈壁石記

品物流形於開闢之初而一元之氣鍾賦於精英粹
美者非特一木一石也靈壁石產於泗水之濱質堅
理密形秀色潤上世常以之為磬則五音相宣律呂
調暢其渾然天成如岩如壑者則又昔人之所貴焉
至正六年秋客有從汴來者以十二峰見遺其澤如
髣髴者如金玉大峯巍然中撐若尊者居之而後兩
峯若護衛之又旁兩峯若輔翼之右一峯峻出若賓
對之下兩小峯若隨侍之左列四峯若趨迎之中懸

一竅則若洞天異境可望可即又中界二谷則若下
通迴溪可濯可湘背負以沙則點瀝凝瀝之初璞也
其玄光玉質粹然如可親澱然如可敬則又形容所
不能盡者豈非精英粹美之石乎予於是置之座隅
於賓客談笑之頃飲食讀書之暇皆得撫之挹之親
之翫之雖彭蠡之落星平泉之醴酒自謂無過是矣
嗟夫世道之移君子之精英粹美而可親者則又因
毀譽以疑其行材名以來其忌而凡可以狎而玩者
小人而已又豈若茲石之美似君子哉雖然吾侪之
同遊或能以愛君子之心如愛石久而愈敬則又非
世道之能移者矣書以為記

遊靈岩天平山記

吳郡之西為湖東為江獨靈岩天平為山之勝境予
昔陪宗尚書謫夫來游雖今十有七年矣其山密林
麓陂池之美蓋嘗粗記而未能再覽其詳也至正己
丑春莫判簿顧君定之毗陵潘子儀曹德文約予為
山行於是買舟携具於城西之隱橋入通雁港先抵
吳安山下即棄舟輿行二三里至觀音山有寒泉二
字鑿於石字皆方大餘又行抵北山無塔松還宿
行福精舍明日復就有輿由吳安山左度天平嶺瞻
文正范公故祠喬木森茂異石林立轉過野橋村店
山迴澗曲樵歌牧唱相與應答以翠微空曠之間里

入所謂雞經山震子谷者突然乎其左琴臺嶺羊腸
嶺者兀然乎其上迤值上坡陟經磴确曰觀音峰曰
猱愁嶺皆陟險攀緣而上直抵靈岩山永祚塔寺後
迴望諸山皆在其下菜畦麥隴蒼黃相間入寺觀八
角井步響屨廊陟香徑登琴臺予足力倦距兩親而
止迴撫偃松倚盤石坐涵空閣南望三山環抱即太
湖之洞庭山色蒼茫湖光鏡淨飛鷺於木杪睇雲
帆於天際於是臨軒濯浣花池寺僧揖予於小亭
而憇焉詢昔遊之記則已刻於五至堂矣眾客舉酒
相屬倘佯夕之皆步出前三門有亭翼然則陸象先
之所曾遊息也故刻象先二字於扁即由山徑尋所謂

西施洞則古佛石像在焉遂緣山而下路兩傍松杉
陰翳蒼藤如虬蟠鳥聲闐闐遊人交蹕真一時之佳
致也乃蹕山而歸復抵天平之白雲寺入拜范公祠
下出則日色已曠烟光黯淡諸峯如人立如戟插如
筆卓如拱如揖如迎如送皆天造之巧也僕謂定之
曰人生聚散之蹤來不可期去不可追矧歲月奔馳
一倏一瞬悉為陳迹物是而人非者有矣今則天和
日晴川朗山秀心開而目明意適而情暢有勿脩足
以倡和酒會足以獻酬詎知非它日之觀美乎則斯
遊也不可忘不記至正九年三月廿二日朱德潤記

樂以天下憂以天下者此至公之心也故君子居廟
堂之時思堯舜其君而皞皞其民者或未達寧無耿
耿於中乎如山林之時思堯舜其君而皞皞其民者
固未達則必寧無耿耿於中乎衆知政事蘇公伯脩
居真定古城之東其先世隱居讀書之地也至正六
年秋公以奉使事畢去歸其鄉嘗憑高覽遠若有感
于懷者於是因高為臺築土為固結欄於周構屋其
上 年 月 日臺成因乘晉處士陶元亮歸來辭
中語扁名曰舒嘯焉或曰舒嘯者宣其悒鬱之氣也
公仕於朝登館閣歷著臺典機要出則奉使宣撫廩
察郡縣參佐行省可謂榮且顯矣其何以舒嘯其悒

鬱鬱者哉噫是未知公者欤夫公以儒者學業稽之政
事其立朝也秉紳正笏嘉謀讜論而思所以致君澤
民者有其道矣時或不得盡行其志則其耿耿於中
者寧不思登臺而舒嘯乎其在外也建節行部宣化
鎮俗而思所以致君澤民者有其道矣時或不得盡
行其志則其耿耿於中者寧不思登臺而舒嘯乎然
則臺之築公之志也公之居古趙地也南望則潞沁
之河滋水東注西望則廩頗李牧之故墟也山川如
昔而草木之榮悴於春秋者曾不知其幾也而名迹
之相傳或有不滿於當時者矣今公之登斯臺也以
志君愛物之心不忘於一舒一嘯之頃尚將援賢材

而利於國求善治而施於民樹名節於來今垂聲光
於不朽則斯臺之色與實也將與宇宙相傳於無窮
矣豈特廉李之云哉公之心蓋曰憂天下之憂者將
已為已任樂天下之樂者以為吾君吾民之樂而不
自以為樂焉此臺之所由築而舒嘯之所以名歟因
書以為記至正己丑歲八月四日睢水朱德潤記

存復齋文集卷之二

存復齋文集卷之三

元征東儒學提舉睢水朱德潤澤民著

曾孫夏重編

賜進士湖廣按察使東吳項璫彥輝校正

雪獵賦 并序

至治二年春二月既望時雪初霽天子大蒐於柳林
選幸壽安山命集賢大學士朱德潤都學士臣願哥
識律功德劉使臣三旦班朱德潤圖而賦之
因考禮經謂乾豆賓客充充三曰之美漢儒雄詞麗
藻可謂形容盡之至於偃武備文之說亦略見於篇
中皇元受命四海來格游獵之盛武備兼然所以明

國家之制天備矣臣德潤謹援筆墨圖成雪牘而并
陳其賦曰

顓頊司序玄冥駕冬屏翳扇颶鴻夷灑凍霜堅冰於
涇澤之底霰急雪乎蒼冥之中迷漫六合飄颻太空
混玄黃而晝白始胚腴於鴻蒙忽焉山川不夜之境
盎然草木長春之叢化瑤瑰不瑳之巧布珠琲異顯
之工有自強者奮然而喈曰天地既肅風雲已涼
就獵而畢祭士弓矢胡求張可以振威警下
武備於非常乃選車徒淬精礪剛陋蕭君之不出仕
桓虞之高驪旌孤麾而騎集轡乍脫
翻鈴奮鏗鏘鋸牙大槩鉤戟長槍
為號為號莫邪干

將兵氣含輝偉列其旁於是雷師撾鼓山靈捧鞭王
良執御羿氏控絃封豕中機貪狼就刺縱離朱之明
睫步章文之宏跼窮罅擣穴絡野經原飲羽則飛將
視石調矢則由基蹄猿箭雙鵰於一鏃殪兩兕於孤
鞭盧令令而狐踣鵲皎皎而駕顛至若鴻雁鵠鷄
鷩鷮鸛鴈靡不斃獫狁獬豸伯益之所未錄爾雅之
所未刊飛走之屬并墜其前血領其濡貫翎其聯數
實登載振旅告旋又何止易堂下之一牛窺管中之
一班哉故相如率獵於上林子雲校獵於甘泉以至
長楊五柞渭水黃山皆前人轍迹之所蹈文辭之所
傳得則為敵天順時之義失則有縱樂後禽之愆東

吳小臣渡江沂河過魯適燕瞻兩都京闕之巨麗揖
中州士子之多賢曩曾逐公子王孫之後塵而聞諸
塞上之翁曰我聖朝神武之師常以虎賁之衆際八
埏而大圍驅獸蹄鳥趾之道為烝民粒食之基燎火
田於既蟄入山林而不麋胎不歿天巢不覆枝譟春
蒐秋狝之舉臨夏苗冬狩之期效成湯祝網之三面
思文王蒐田之以時所以豐稼而除害所以致教而
受釐收其齒革羽毛咸工需於民用潔其犧牲脂腍
盛禮造於賓儀論功賜服錫胙臨墀太常薦新於廟
祀太官供味於庖肺持棘七其膏膋饌簋殮其肉廩
浦以元醴享以醇醪室在調其醎甘學士和其雍熙

皇恩浹上澤施武事講文教社稷乃四方鼓舞萬里
襟航邇人祝渠無遠弗届玄菟黑榆致禮其邦斥候
盡職貢之道象胥譯納之方故百姓之人間鐘鼓
管絃雖三尺之童博尊食壺漿然後知曠百王天人
之感乎億萬年大元之方昌今聖天子礪精圖治
寬宥有容紹祖宗鴻熙之運體上帝好生之功將以
仁義為基道德為宗詩書禮樂為治政刑法度為公
正以紹羅俊乂駕馭英雄則鳳凰鸞鷟為不足以為貴
騶虞白澤不足以為崇豈特西旅之獫狁之龍芝
房赤白之歌寶鼎白麟之誦蓋將息牧野之郊虎如
貌獲渭濱之非熊非熊聞一善以為訓明一藝無不

席國家有基命宥密君臣有同寅勛恭濟生民仁壽
之域迺太古淳龐之風臣愚竊綴材草萊陋質愧不
足以潤色皇猷宣揚盛世裁前聖之經緯之文鑄大經
金石之字倣雅頌之作興表德澤之流洩他日庶幾
河圖洛書龜龍負瑞先以寫臣方寸丹衷詣壽安獻
賦之意

幽懷賦

肇姬封之邾裔兮老睢陽之曾孫歷淮漢而屆都兮
瞻邦畿之無垠茂品物之化育兮醞六合而俱春攬
太古之象數兮齊民風而俗醇何世降兮謂其時兮
欲窮而快生兮寵辱而勢危物情驟而倘論廢兮

端行而政教劇禮度疎兮豪滑僭兼并盛兮良民饑
饑寒迫兮庶恥喪苞苴行兮仕祿卑淫祀盛兮正直
塞游食多兮未技施我思古人兮邈其遠而觀所行
兮或放或持盡大智兮弗機躬力行兮弗馳享尊榮
兮弗榮臨患難兮弗欺苟余心之無慊雖众毀而何
疑豈矯世兮獨立俟同心而可為嗟盛年之不偶撫
朱絃兮自悲倘效用之得所雖歿身其何辭秋風兮
木落遠道兮陸離耿幽懷之惓惓兮慕重華而致詞
願皁莢之謨明兮愿康衢而歌之 虞伯生先生題

沅湘圖辭為峴子山太監作

妙甚好辭

掛扶桑之夢兮臨東方之啓明騁六驥於廣莫兮

豈備述之可量及前賢之方駕乎又何塞乎吾行慨
時俗之浮薄兮曷淳風之渾龐紛雜虫之得失兮孰
澄清之是逞耿予懷之遐邇兮寫秋風之沅湘苟天
定之或存子雖王傳其何傷倘鴛鴦之可辨兮願俟
時乎吾將行信弛張之有道兮聊隨宜而倘佯

秋風辭為柳道傳待制賦

秋風颯颯兮鴻雁飛山空木落兮猿狖啼我所悲兮
天一涯好其儀兮婉其辭悵望弗及兮冀將歸蘭橈
桂楫兮江之湄歌楚曲兮慰所思白雲滿川兮佳人
忽來

有懷子山學士

青山盤盤兮白雲浩浩我所思兮在遠道荆榛交被
兮曷其時到白日忽往兮歸乎將老開荼蘼兮刪遺
文覽名氏兮思故人關山千里兮有懷莫陳欲往投
之兮隔浮雲

秋日送譚道者北游

秋蘭生兮洲諸舟子游兮別墅放瑯琊兮觀舞薄空
同之天柱揖群仙兮邀翔身欲飛兮不羽

招孝子辭并序

至正五年秋天台道士鄭君蒙泉來為予言四明人
金子文之孝也事親能養事兄能弟一旦從父母命
往省其舅周於廣南俾薦親親之義而舅氏亦念其

姊遠不克常會願以息女事于文乃志一介通其殷
勤仍致舅姑之禮於金氏舅姑諾焉于文遂就婚於
周氏春秋代謝今忽踰十年矣于文每思歸省而不
獲命於父母於是晨昏定省之節惻然於懷霜草風
木能無思乎能不歸乎蒙衆以其友義倩僕作數辭
以招來之其辭曰

孝子婦來乎山川迢堯中路紆沅吾船兮脂吾車行
人相呼征在涂子不歸兮親倚問長河之水多熱魚
喬林啞啞返哺烏孝子念此兮婦來乎

孝子婦來乎廣南道阻三千餘里見舅姑毋心娛子
別母久當何如晨風吹衣露沾袂寒思衣兮食思哺

綵衣班斚置牀隅室安安親獨居明發不寐意馳
喝孝子念此子歸來乎

孝子歸來憶昔去時揀花開子行歸遲花幾回宜
男熊枕膏時諧三年方免抱與携双親思兒白髮催
鵲原急難兄弟懷高堂羅幃銀燭煨風燭奄忽誰能
追孝子念此子盡歸來

孝子歸來子昔去時母縫衣衣囊帶緩易袍襦
私蓬矢期男兒昔非功名懷所依明當寸草答春暉
毛生奉檄人尚嗤曾參臂痛當馳歸廣南之山樹依
依桃柳葉猶點鵲啼回望白雲香孤飛孝子念此子
盡歸來

有義人寄李繼之負外

有義人兮釣於淇水蘭舟兮菱荷衣野鳥兮將忘
換濯滄浪兮誰是非

思君子為王繼學治書賦

山寺匿兮摩天水洄然兮流淵一龍一味兮魚與鳥
審物理之自然思君子兮路轉轉思瞻之以在前

至正甲申冬推官馮仁可惠以軋賴機酒人作儀
賦之蓋譯語謂重釀酒也辭以末學荒蕪拙辭

弗精承教再四勉擬古人餘韻而為之賦曰

崆峒山人嘗讀書開門窮冬適局朔風盡民困於忘
熱袖手不溫鉅尹牖之瑾塞方霰竄之飛翻與穴居

而虫蟄徒兀坐以鷗鴒悵然懷友隱凡忘言俄而藪
藪蕙蕙起問童子剝啄啄衡門誰啓乃有麴生之
流駢肩累足接迹而至揖予而前曰子何瘳色之如
足耶衣不寒乎食無飢乎衣食粗足思慮何居得非
天氣之栗烈感發之踴呼生與儕輩洗爵奠觥提壺
挈觴汲甕底之新篘沛醅餘之宿嘗法酒入之佳製
造重釀之良方名曰軋賴棧而色如酎貯以扎索麻
而氣微香卑洞庭之黃柑陋列肆之瓜薑笑灰滓之
采石薄泥封之東陽觀其釀器局鑰之機酒候溫涼
之殊甌一器而兩圈鑑外環而中窪中實以酒仍械
合之無餘少焉火熾既盛鼎沸為湯包混沌於鬱蒸

鼓元氣於中央薰陶漸漬凝結為煬滿渤若雲蒸而
雨沛罪微如霧融而露瀼中涵既竭於連甕頂溜咸
濡於四旁乃瀉之以金盞盛之以瑤樽開醴筵而命
友醉山頽之玉人但見酡顏眩耀餘嗽淋漓亂我蓮
豆屢舞傲傲麴生掀髯撫掌笑歌欺側勸我飲醇若
有德色謂日費萬錢或時飲一石眠長安酒家之市
倒黃公舊壚之側若斯之勸酒奚無益僕謝曰誠不
敏亦有古語子試聽旃昔儀狄肇醢大禹疏焉酣歌
恒舞伊訓是宣義和緬淫而時日廢慶封易內而國
朝遷陽豎獻飲而子反去楚灌夫使酒而徙相於燕
故古人節之以酬酢戒之以誥誓避酒摘於將萌飲

終日而不醉賓主百拜一獻而始三爵為燕享之誠
九獻乃上公之禮觴稌兕觥設于賓筵玉瓚黃流薦
之廟祀豈予庶賤飲不知止倘罹驕淫君子所耻子
雖勸飲吾弗為矣魏生復感頌而前曰噫當今之盛
札莫盛於輒賴機蓋達官之所薦豪家之所施子居
隘陋曾不之知山人喟然而咲曰子知今日之所尚
風俗之所推亦管見於一班猶覓聚之醺雞子不遐
弃重為言之迺祐之秋僕以文藝見召隨天使而北
轅曾待命於公車屢承宣於禁垣聞宿衛之遺老談
中統之初年魏魏乎世皇儉德之義昭昭乎聖謨貽
厥之傳謂飯羊毋棄其醢醢酒淹莫漬於衣檀五齊

以饗宗廟三酒以祀昊天光祿監六材之劑宣徽進
五方之鮮焉興歲幸於開平醴醑時頒於太官盛錫
燕於群臣講賓酬於內園太常列朝儀於班席御史
肅朝會而糾愆喝臚傳而杯舉節樂應而絲綽既醉
既能弗諱弗喧于以示大羹元酒之質朴于以見調
元生物之甄陶橐神化於一匣降德耀於九霄饋五
漿於渴者賜三舖於老饕糴米朝酺發西涼之馬乳
鳴夷屬車載大宛之葡萄玉門有保障之酒泉鐵堆
有金山之羊羔祁連有和酪之冰寧玄菟有濁醖之
松膠白填有宿熟之魯醢黑獐有顯漿之椰蘇福湊
兩都恩沾四郊臨辟雍而養耆耄擴淳風而化滌澆

措天下於泰和之域澤生民於仁義之膏又豈特羨
隋人之玉薤責楚貢之包茅也哉於是麴生之派聞
吾言遂巡再拜逡隅趨步進退有札羞前之為將弃
壺觴於糟丘之澤揮盞舉於牛飲之池謂寧歎於扼
腕毋終酣於噬臍僕曉之曰酒者元醴天之甘祿時
和歲豐家給人足麴蘖以時湛熾潔熟以之享神神
降之福以之祈年年登五穀勿酒斯享親戚用睦吾
試與子札飲是曷肴核具陳盃盤新沐問答未已春
陽煜煜箋吾賦於禁几記袍尊之相属

天明辭寄元頽子中都事

間闔悠兮天明八風盪兮萬彙成子午循環子中氣

清嗟人心兮皎獨靈
及論龜牛兮結惛誰理維綱常
兮為道之軌淨俗兮磨兮純朴散徙混沌鑿子約語
驚世安得羽翰兮橫際天登泰階兮趨紫垣揖各縣
兮札樂先黼黻衣衣兮開乾乾

盧對亭秋山圖

皎皎白駒兮空谷負笈携書兮人如玉路長漫漫
兮紛草木天步艱難兮遲我躅安得軒車兮疾
躡千里兮信宿

挽馮侍御

登高原而悵望兮殞喬木於江城謂耆德之方茂兮
將續年而百齡奚巫陽之下招兮返帝閭之

雲邦之群彥兮，俾何從乎？若歲昔公同流四方兮，
世路之險平樂林泉而棲遲兮，交游誰而忘形？
與之不再兮，揭丹旌於郵亭，訪知進兮，親戚驚九原。
蹊兮，閔泉石慘物交兮，鳥悲鳴嚶孝子兮，心煢煢。

山陽招隱辭為段吉甫助教賦

有義人兮山之陽，菱荷衣兮芙蓉裳。抱修能與嫓節
兮，願俟時乎將行。何蓋苑之雜杏兮，欲蔽美乎蘭芳。
山之陽兮連林重岡，嶢嶢礧礧兮巘岵嶢嶢。將石瀨兮
珊珊雲谷兮，英英潛蛟躍淵蹕尾兮，深不可量。赤豹
文狸兮左騰右驤，美人歸來兮山中不可久留。芳盍
將返乎吾鄉。

答招隱

山之陽兮蘭茝芳泉甘土肥兮稼穡香食耕釣子衣
蠶桑隨所適兮將何望高門列戟兮公侯之防深官
網戶兮室家之光秦篝齊縷兮綺紉之常蛾眉易睽
兮巧笑之成吳歛蔡謳兮雅音之傷炮羔蜜料兮鼎
食之良美人兮召余霞佩兮頡頏吾不能以此易彼
兮惟山之陽

黃鵠歌悼亡妻

黃鵠高飛兮蚤失其羣托異巢而匹偶兮引雛以棲
忽飄風之木落兮散馬故林之傾歎天倫之不恆兮殞
其故雌幸故人之來招兮渺千里而懷歸何恤人之

講知子使易其辭豈無良如子念黃口之無依黃鵠
之歌子忍聞之

又

黃鵠歸來子逍遙俯江海子歷山樹時鄉家子路迢
迢思及哺子復故巢世路險艱子荆榛交讒人構我
子使我心忉忉慈親子裂情抱昔托我所子今棄我
約歲將晏子百草焦玄雲合子雨風飄月星晦子嗚
呼兒孫思兒孫子匪昏匪朝黃鵠之歌子孰知其聊
一南山招隱辭寄王君實左丞

有美人子南山之南紫霞衣子白霓裾步蘭皋子道
遙采芳洲子宜男生好脩而洲美子情蕭穆而守謙

泉增妬而嫉子何靈瑣之不械布豹九閑子嚳呼
新巖駟駢駢子何靈泉滴澆深不可測子高不可攀寒
多蛟子暑多蜩猿啾啾子鳥喃南列苑墜垣子居處
孰堪靜不可默子躁不可談呼帝閭而路者子老將
依乎彭聃幾人幾人歸來子南山不可以久淹

香招隱寄元顏子中都司

鳳凰鳴子高岡梧桐生子朝陽時谷幾子清明栽栽
幾幾子濟濟衣裳子旌車無雁等子招我子山之隅
朝可仙子山可居標可養子志可舒唐堯垂拱子臯
商繼謨道行子馬跡雲

棹歌

雲濤浴兮山崦屋渠渠兮林隈悵懷君子何所倚蘭
棹兮徘徊

遊朱方賦

丁亥之冬僑寓朱方客有談江山之勝約予重遊焉
於是携酒肴振衣躡屩縱步山城之下殘雪既消寒
煙弄晴長江浩瀚海門東傾西連建業北眺廣陵碧
樹參差嵐光相縈浮玉峙於中流焦昇屹其稜層其
露構而多景扁華陽逸而產鶴銘山橫北固水豁中
泠西津喧兮崑渡晚兮步隔兮風帆輕汨雲濤之千
頃寔可壯遊觀而濯襟纓客曰子方登高而望遠蕩
瀟洒之心胸獨不知南徐之舊鎮歷六代而提封晉

宋則表其天限齊陳則矜其地雄梁則金甌無缺吳
則鐵甕城空郡實浙西之障山為江左之衝近有市
舶之泉遠有鵲栖之峰京峴高兮龍目並曲阿下而
練湖涵黃鵠旋西白兔馳東杜鵑開而鶴林仙去狼
石臥而謀臣筭同崇丘昇兮五州見卯港埭兮千艘
通碧瓦鱗次朱樓翠重其陽則阡陌之饒其陰則巖
壑之叢包吳越而帶楚尾引淮泗而流汴中茲豈非
京口之壯觀而為南郡之所崇哉余謂客曰子既已
悉茲境之盛曾未厭於吾心蓋山川非人不勝郡望
惟前賢之登臨余既與子觀江流而知海納蓋亦思
往古而評來今者也江表為鎮為牧轉運節度刺史

都習世代旋移幾千萬人之相躡晉則謝玄桓中唐
則韓愈德裕旋旋就江皋狼狽夾於津渡韓士謀
臣歌姬舞女蝸蟻蟻聚莫不樂其功賞寧
榮前度偉言論於青史聘英豪於茲土矣觀其踴躍
功名際遇風雲凌厲山川指麾民人恍千古如一日
追陳跡而無存慨江流之如昨情百感而難陳吾方
興子攬江山之勝槩瀕漁樵之洲島渺天地之一身
若驚塵之棲草嗟既往之難留思無窮之矣了於是
挹林風而振長袂坐盤石而飲清流知天命之已定
與造物而同遊任去來之自得復遑遑兮何求

閭闔啓兮梓殿以交澤兮蕭騷悵思君子無聊采意
帶兮臨朝紉蘭兮盈懷綠花兮紫臺時不可以再來
折芳繁兮徘徊

濯滄浪

塵襟煩兮欲濯滄浪去滄浪水深不可渡風高浪翻
漣蛟怒欲撥芳兮君之改芳繁盈懷兮君不我顧白
雲漫漫兮來時路青山白屋兮我安所處